

林園月令二編

四

津田文庫

文庫 1

1697

12

10

15

20

早稲田大學
圖書館藏

林園月令

二編卷四

庫

新寫館機樞卿

纂輯

○六月

月令演夏正六月金伏而寧溫風南來

蟋蟀壁偵飢鷹始擊腐草為螢土潤溽

暑大雨時行錦帶連珠林雕白玉道

遙含露之臺帷卷紫綃容與迎風之榭

林園月令

二編卷四

六月

010190603194

濯青綺之李，寒徹玉盤浮綠沈之瓜。
涼開金井，水榭乘風拂蚪紋之清簟。
山樓延月藉水蘭之涼裊，指赤日而
嘯風引火雲而噓雪。暗虫軋軋驚投
杼之魚燈，丹鳥飛飛佐下帷之藜火。
香沈清夜，舒太液之荷音，激寒商灑昆
明之雪。辟暑懸犀風叩蘭林之室，招

涼結草霜含朱鳥之宮，庭前澄水之
綃檻外搖風之石。溫風拂暑泛湘浦
之華蓮，茂樹連陰激昆山之清液。龍
衣初拂室滿寒暉，獅尾方搖庭開朔氣。
一歲芳華粧搖紅影，池慶蓮生色滿。
綠香座酣瓜戰，清嘉錄俗以初三日
晴主旱，若是夜黃昏有雨，則日日有之。

謂之黃昏陣，諺云六月初三打箇黃昏陣，上晝耘，稻下晝困。又云：初一落雨，井泉枯，初二落雨，井泉波。讀為普胡切，初作溢字，解也。初三落雨，夜夜陣，初四落雨，通太湖，蓋此時農民望澤，孔殷如久晴，則立竿製紙，旗以禱雨。街坊小兒出松花會，呼曰：小兒求雨，天歡喜，祭雲吳歛云：六月不逢

夜夜陣，滿城扯徧七星旗，草鞋人散松花會，正是湖鄉雨透時。案崔寔四民月令：六月初三起箇黃昏陣，七十二箇隔夜陣，錢思元吳門補乘亦載松花會之俗。會中之人皆曳草鞋，并云：久雨則剪紙為女形，持苕帚，懸簷際，名掃晴娘。俗又以夏中日出時，雲霧遲開，主熱，謂

之山糊海慢諺云山糊海慢曬殺老鶴
案丁度集韻鶴水鳥好水將雨則鳴禽
經鶴仰鳴則晴俯鳴則雨褚人獲堅瓠
集異諺云日出晏晒殺雁濃雲中見
若修尾下垂蜿蜒屈伸者謂之龍挂案
府志載龍挂之說謂雨止乎一方仁和
錢謝盒有太湖看龍挂詩云羲和拋丸

走流汗銀刀劃空雲脚斷水聲驚起洞
庭君六雙老龍飛出雲蒼鱗細如蛇蚓
結白波四面作人立吸乾具區三萬頃
雨氣斜翻半天濕蜻蜓陣散風色涼吳
孃纜船炊飯香珠宮捲綃伺龍睡西峰
日輪紅未墜六日故事人家曝書籍
圖畫於庭云蠹魚不生潘奕雋六月六

日曬書詩云三伏乘朝爽閑庭散舊編
如遊千載上與結半生緣讀書年非老
題驚歲又遷呼兒勤檢點家世只青檀
案孫德符野獲論六月六日內府皇史
宬曝列聖實錄御製文集諸大函為每
歲故事錢思元吳門補乘亦云六月六
日曝書畫崔寔四民月令則以七月七

日暴經書及衣裳不蠹土人置窰冰
街坊擔賣謂之涼冰或雜以楊梅桃子
花紅之屬俗呼冰楊梅冰桃子鮮魚肆
以之護魚謂之冰鮮蔡雲吳歛云初庚
梅斲忽三庚九九難消暑氣蒸何事伏
天錢好賺擔夫揮汗賣涼冰案王鰲姑
蘓志三伏市上賣涼冰元和縣志冰窰

在葑門外設窖二十四座以按二十四氣每遇嚴寒岸水蓄于蕩田冰既堅貯之於窖盛夏需以護魚并以滌暑珠蘭茉莉花來自他省薰風欲拂已畢集於山塘花肆茶葉鋪買以為配茶之用者珠蘭輒取其子號為撒梗茉莉花則去蒂衡值號為打爪花花蕊之連蒂者

專供婦女簪戴馬邱花儂盛以馬頭籃沿門叫鬻謂之載花零紅碎綠五色鮮濃四時照映於市不獨此二花也至于春之玫瑰膏子花夏之白荷花秋之木犀米為居人和糖春膏釀酒釣露諸般之需百花之和木賣者輒舉其器號為盆景折枝為瓶洗賞玩者俗呼供花蔡

雲吳飲云提筐唱徹晚涼天暗麝生香
魚子圓簾下有人新出浴玉尖親數一
花錢又蔣寶齡吳門竹枝詞云蘋末風
微六月涼畫船銜尾泊山塘廣南花到
江南賣簾內珠蘭茉莉香案王穉登詠
茉莉篇云章江茉莉貢江蘭夾竹桃花
不耐寒三種盡非吳地有一年一度買

來看王鏊姑蘓志云希邱人善於盆中
植奇花異卉盤松古梅置之几案清雅
可愛謂之盆景沈朝初憶江南詞云蘓
州好小樹種山塘半寸青松虬榦古一
拳文石藓苔蒼盆裏畫瀟湘李翊俗呼
小錄云俗數錢以五文爲一花納涼
謂乘風涼或泊舟胥門萬年橋洞或艤

權希阜十字洋邊或分集琳宮梵宇水
窓冰榭隨意留連牙牌葉格馬吊諸戲
以為酒食東道謂之鬪牌習清唱為避
暑計者白隄青舫爭相鬪曲夜以繼日
謂之曲局或招盲女瞽男彈唱新聲綺
調明日男子演說古今小說謂之說書
置酒屬客遞為消暑之宴蓋此時爍石

流金無可消遣借乘涼為行樂也案阮
吾山茶館客話盲女琵琶元時已有至
今江淮尤甚瞿存齋過汴梁詩云陌頭
盲女無愁恨能撥琵琶說趙家是也又
有瞽男者見陸放翁詩夕陽衰柳鮑家
莊負鼓盲翁正作場揚誠齋集有聽盲
婦携琵琶唱鼓子詞明姜南洗硯新錄

云演小說謂演說古今小說以覓衣食也。豪民富賈競買燈舫至扁邱山浜各占柳陰深處浮瓜沈李賭酒徵歌賦客逍遙名姝談笑霧縠冰紈爭妍鬪豔四窗八拓放乎中流往而復回萬櫓相應調水嚮頭日晡絡繹于冶芳浜中行則魚貫泊則雁排迫暮施燭焜煌照徹

月輝與波光相激射舟中酒炙紛陳管絃競奏往往通夕而罷蔡雲吳敏云避暑天天開扁邱連前端午後中秋船渦那得涼風到急放一回水嚮頭又云燈船入夜盡張燈五色玻璃列上層贏得火光人面映夜涼猶著薄吳綾案龔明之中吳紀聞云扁邱舊名海湧山闔閭

既葬之後金精之氣化為帟踞其墳故
號帟邱後避唐諱改為武邱黃省曾吳
風錄帟邱自胡太守宗續創造臺閣數重
益增眺勝四時遊客無寥落之日寺如
暄市妓女如雲諺有假帟邱之稱言非
真山也盧湛竹枝詞云儂今住近真孃
墓郎莫傳言假帟邱香雪道人南窗雜

志帟邱山塘七里鶯花一湖風月士女
游觀畫船簫鼓舟無大小裝飾精工窗
有夾層間以玻璃懸設綵燈爭奇競巧
紛綸五色新樣不同傍暮施燭與月輝
波光相激射今燈舫窗櫺競尚大理府
石鑲嵌燈則習用琉璃俗呼設遇風狂
毋虞擊碎也謂造醬館曰罨醬黃館

成之後擇上下火日合醬俗忌雷鳴諺云雷鳴不合醬案崔寔農家諺云上火不落_下火滴_下俗以曆日中有兩火相連者曰上下火日本此風俗通云雷鳴不得作醬今亦有此忌蔡鐵翁詩選火避雷忙作醬廣韻罨烏合切音遏吳語謂覆物使不漏風曰罨二十四日為

荷花生日舊俗畫船簫鼓競於葑門外荷花蕩觀荷納涼今遊客皆艤舟至阜山浜以應觀荷節氣或有觀龍舟于荷花蕩者小艇野航依然畢集每多晚雨遊人赤脚而歸故俗有赤脚荷花蕩之謠蔡雲吳飲云荷花蕩裏龍船來船多不見荷花開殺風景是大雷雨博得

遊人赤脚回。洞庭西山之址消夏灣
為荷花窠深處夏末舒華燦若錦繡遊
人放櫂納涼花香雲影皓月澄波徃徃
留夢灣中越宿而歸案府志消夏灣在
洞庭西山之址深入八九里三面峰環
一門水匯僅三里耳舊傳為吳王避暑
處范成大消夏灣詩云蓼磯楓渚故

離宮一曲清漣九里風縱有暑光無着
處青山環水水浮空又高啟詩云涼生
白苧水浮空湖上曾開避暑宮清簾疏
簾人去後漁舟占盡柳陰風府志又云
荷花有紅白黃數種洞庭東西山人喜
植荷夏末秋初一望數十里不絕為水
鄉勝景沈朝初憶江南詞云蘓州好消

夏五湖灣荷靜，水光臨曉鏡。雨餘山翠濕，煙鬢七十二峰間。

麗藻 五言律詩

雨後即事

清朱彝尊 錫鬯

暑雨涼初過，高雲薄未歸。泠泠山溜遍，淅淅野風微。日氣晴虹斷，霞光白鳥飛。農人乍相見，歡笑款柴扉。

一雨平林外，羣山倚杖前。蛙聲浮岸草，鳥影度江天。鳴磬上方寺，揚帆何處船。坐疑秋氣近，蕭瑟感流年。

熱

沈德潛 稿士

毒熱今年甚，三旬此亢陽。有風偏助暑，近水不生涼。土燥牛蹄裂，山焦木葉黃。朱門正娛客，乘月引清高。

暑雨後坐月

黃任莘田

雨洗月逾潔，氣寒光轉幽。露螢不自夜，
風樹欲先秋。烹茗籟遙起，拂琴泉暗流。
清宵不成夢，心迹兩虛舟。

暑雨

趙翼雲崧

暑雨今年劇，天空潑墨圖。顏雲張破敗，
重霧呂糊塗。敢厭泥行滑，聊欣稻把粗。

江湖無國事，惟有頌多餘。

毒暑

毒暑今年甚，當空煽赤烏。人將投炙甕，
天果作洪爐。毛竅珠拋汗，痲根粟突膚。
何當縮地法，遁入水晶壺。

燄摩天未到，烟瘴地猶輕。犬舌喘長吐，
鳥吭噤不鳴。劈瓜童競奮，揮扇僕頻更。

忽念夏畦苦頓教心太平

納涼

坐久渾無暑濛濛露氣侵殘燈三鼓暗
斜月半牆陰人老如秋到詩成已夜深
虛堂清不寐一再撫瑤琴

五言排律

溫風始至

清吳錫麒聖徵

論卦剛逢遯占風漸發庚蒙溫陽已極
當暑肅旋生天意吹噓大神功長養成
熱煩初伏避涼許北窗迎醞釀雲頭厚
掀騰雨陣橫隨時遲化日此理樂長贏
氣助田疇久光流枕簟清萬方齊解愠
喜聽帝絃賡

蟋蟀居壁

林園月令

二編卷四

十五

渺渺微蟲托寥寥四壁陰暗風舒弱羽
隙月逗秋心草合繚而曲苔荒窈以深
暑堪三伏避面豈十年禁直似安環堵
何曾試苦吟螢光窺焰焰蝸角對森森
倦織終須促呼燈未許尋讀書期後夜
賦罷漏聲沉

鷹乃學習

不待秋風至飛揚見爾才英姿爭颯颯
餘力早恢恢頭角崢嶸久精神發露纔
即看雄顧盼那不忘崔嵬決昔雲千里
關心獵一回神駒新出水猛士乍登臺
粉墨圖難出風雷挾共來異時司搏擊
狐兔定先摧

齋草爲螢

物化渾難測，無知倏有知。今宵螢熠熠，
前度草離離。宿雨原頭漬，繁星砌畔移。
衣香曾鬪麝，扇影乍兜時。燈火分青小，
池塘照夢遲。春風金粉地，秋雨豆花籬。
蓬顆何須惜，羅幃漫自疑。藜光相掩映，
夜讀許來窺。

土潤溽暑

一氣曹騰裏，炎氛鬱不開。風頭雲截住，
日脚雨蒸回。樂罕清涼乞，愁先熱惱催。
人情將喘月，天意待轟雷。柱礎全侵水，
衣篝半上苔。汗真揮白雨，徽更作黃梅。
蝸篆隨涎去，螢光化腐來。舜琴能解愠，
風景在熙臺。

大雨時行

為積連朝，雨飛流直挂。簷勢先成，浩蕩
態不作。簾纖苦澆，將騎月繁聲足。退炎
濤，翻千尺雪谷。瀉一重簾去，馬來牛斷
高荷大芋，兼番番看。鶴井滴滴下龍髯，
水易江湖潤晴。難甲子占歇涼棚下立。
幾度望明蟾。

七言律詩

移寓道院納涼

清查慎行 梅餘

不信人間有鬱蒸，好風來處晚涼增。滿
城鐘磬初生月，隔水簾櫳漸吐燈。書少
只宜高閣度，墻低聊當曲欄憑。白鬚道
士休相避，我已身如退院僧。

六月十八日避暑湖上

蔣士銓 心餘

銀蟾略減二分圓，出郭荷花已蹶然。柳
慢濕浮初日上，露珠香定曉風前。一機
雲錦舒纜半，十樣鸞箋染未全。底用追
尋河朔飲，此中應借酒為年。

六月菊

袁枚子才

寒菊公然冒暑黃，蒼蠅側翅遠相望。東
籬共訝西風早，秋士偏貪夏日長。試取

一燈來照影，焉知六月不飛霜。數枝冷
艷當階立，愁殺紅蓮不敢香。

七言絕句

都門竹枝詞

清王士正 貽上

曾向西山見，蹙凌于闐白玉色。凌嶒櫻
桃已過，茶香減銅盤聲。聲喚賣冰，
鋪庵惠藕豆詩以謝之。

林園月令

二編卷四

十九

莊寶書 然乙

感君同氣快論詩，惠我雲眉香滿卮。忽憶荷塘新雨後，豆棚閑話納涼時。

喜雨

趙翼 雲松

忽聞簷溜夢初回，前陣纔過後陣催。絕似薛陽陶度曲，聲聲鑽入耳根來。小暑栽秧已過時，半收穎粟尚堪期。標

梅處女雖遲嫁，猶望蘭湯老洗兒。

種樹

胸中邱壑構何年，種樹為園翠蔽天。看是豪奢却寒儉，省他六月搭棚錢。濃綠何曾漏日光，濯枝雨過更蒼蒼。詩筒茗椀清陰下，閑與兒曹納晚涼。十日炎歊作意熏，向榮枝漸少欣欣。貪

官未是為農日也等田家望雨殷

納涼詞

顧祿鐵卿

隔竹芭籬繞徑斜風吹螢火過鄰家欲
眠又醒不成夢牆角一棊茉莉花
兩歇空塔暑漸微夜來花氣襲羅衣浮
雲散盡露明月照見庭中蝙蝠飛

晒書

長竿擯鼻檐前曝誰向中庭錦繡陳我
自明明晒書篋莫來猶勝阮郎貧

納涼曲

金殿荷風拂水香銀缸寂寞怨更長黃
昏月到苔階上釀得新秋一味涼

林園月令二編卷四

附錄

○杜鵑 蟬 螢

麗藻 五言律詩

螢火

清施閨章尚白

埋照爾何恨
熒熒到夕扉
傍林沾雨重
穿幔向人飛
暗覺星河動
寒疑石火微
夜闌明月盡
見爾倍清輝

林園月令

二編卷四 附錄

二五二

螢

王士正 貽上

寂寂青苔徑，蕭蕭白板扉。
天河垂近戶，螢火坐侵衣。
穿竹淺深見，因風高下飛。
隋家無舊苑，甘照讀書幃。

蟬

雙樹有鳴蜩，孤情伴寂寥。
自緣飽風露，不肯逐金貂。
驛路關門雨，斜陽浦岸潮。

年年行役處，為汝幾魂銷。

螢火

趙執信 伸符

和雨還穿戶，經風忽過牆。
雖緣草成質，不借月為光。
解識幽人意，請今聊處囊。
君看落空澗，何異大星芒。

咏蟬

沈德潜 碣石

抱葉一身輕，乘時亦善鳴。
迎風添遠韻，

移樹帶殘聲，轉化慙吾拙。無求見汝清，夕陽疎雨後相對。若為情。

蟬

逸韻響松簧，閑園日正長。噪林喧處寂，移樹定中忙。斂翼含疎雨，殘聲曳夕陽。幾先能早避，窺伺任螳螂。

螢

熠熠波心度，空空明點碧。激坐衣幾欲潤，映字豈須燈。牆角倦時墜，林端聚處增。雨過光不濕，自照爾偏能。

聞蟬

商 盤 實意

石織峰邊路，年年噪夕陽。忽驚新氣候，何處好池塘。森木雨初霽，古城秋正涼。如聞楚天雁，悵望一霓裳。

咏蟬

吳錫麒 聖徵

爾亦苦吟者，淒淒劇可憐。
仙難成，蛻後鬢已老，秋前不斷關。
山道相逢風露天，柴門誰倚杖入聽，獨悠然。

五言排律

螢苑

清 吳錫麒 聖徵

風雨雷塘路，寒螢閃閃流。
豈知歌舞夜

曾照帝王遊，逐隊珠簾入，成團寶扇兜。
繁星千點亂，明月二分愁，人鬼荒臺夢，江山腐草秋。
羣烽來慘淡，十斛罷徵求，殿址埋銅瓦，宮斜闕玉鈎。
餘燐猶得意，飛過古牆頭。

七言律詩

蟬蛻和灌園韻

清 查慎行 海餘

不應已脫尚名蟬彈指難留過去緣枯
比老僧初入定輕如羽客乍登仙誰言
解脫非生理始信飛鳴是後天從此蟾
螂無攫意機心不上七條絃

蟬

朱荏恭肅徵

池塘寂靜晚生涼忽聽餘音度短牆南
陌無人嘶暮雨西風有恨送斜陽琴絲
猶抱齊宮怨鬢影空留楚客傷惆悵秋
深霜露下寒燈遙夜伴啼螿

聞蟬

錢大昕 晴徵

真令俗耳得鍼砭愛汝迎涼不附炎曉
月一聲楊柳店午陰百過綠槐檐身輕
自覺能離垢飲少從知未礙廉莫信忘
機便無患螿螂張臂亦何嫌

五言絕句

螢

清陳撰 楞山

月黑秋林昏，映水忽明滅。微光聊自照，不假因人熱。

七言絕句

春晦聞杜鵑

清顧自俊 秀升

杜宇催春春已稀，春歸杜宇不知歸。朝

朝暮暮催歸去，只在山前山後飛。

螢

楊錫紱 方來

風前雨後往來頻，入幔依簾解近人。剛有流光能自照，已忘腐草是前身。

螢入書室

趙翼 雲松

炳燭焚膏念已灰，夜深暗坐眼慵開。流螢只道猶勤學，飛入書窓映字來。

